



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commvnio Sanctorvm. In Eccesia [!] Catholica

Fide & praxi frequentata. Catholicis ad devotionem. Acatholicis ad
informationem. Proposita Ex PP. Soc. Jesu

Coloniæ, 1654

Præfatio.

urn:nbn:de:hbz:466:1-44934

PRÆFATIO.

*Amice Lector, paucis Paragraphis
te alloquor.*

§.1. **P**Oterat hic libellus nascens
sortiri nomen *Anni Sancti*,
eo quod exhibeat, non profanas
res, sed sacras, nempe in dies singu-
los personarum sanctarum, utrius-
que sexus, fere ternarum, nomina,
diem, iconem, documentum, ora-
tionem & vitæ synopsis.

§.2. Sed cum alius antea natus li-
ber, *Anni Sancti* nomen primoge-
nituræ jure assumpserit, iste Titu-
lum COMMUNIONIS SANCTO-
RUM ex Symbolo Apostolico, sub
quo militat, mutuatus est, ex re tam
sanctâ

PRÆFATIO.

sancta gloriam & decorem, quo sperat oculis Christianorum se posse placere, & usibus servire.

§ 3. Finis & scopus ejus est, ut Catholicis exhibeat brevem quidem, sed aptam valde praxin colendi SS. Dei amicos per anni, mensis ac cujusvis diei decursum, unaq; suggerat succinctam eorundem notitiã. A catholicos verò accurate instruat de ritu illo inter Protestãtes & Catholicos controverso, invocandi SS. ut quid in eo Catholici agant aut admittant, etsi Catholicorum sacris non interfuerint aut eorum libros sacros non inspexerint, limpide pervidere possint, An in SS.

* 3

invo-

PRÆFATIO.

invocatione committatur tam
grandis Idololatria , blasphemia,
Christi & Dei abnegatio , & crea-
turæ supra Deum erectio &c. mala
quæ Prædicantes solent Catholicis
improperare , & , cum aliæ materiæ
eos deficiunt, declamare.

§. 4. Usus hujus libelli varius est
& multiplex , nempe quod esse
possit vice Brevis lectionis valde
occupatis , ad spiritum suum exci-
tandum, idoneæ, 2. quod mensæ le-
ctioni possit servire in minoribus
cætibus hominum devotorum, ve-
luti Missionibus ac Residentiis , u-
bi lectio per mensæ totum tempus
continuari non potest. 3. Arca pa-
tro-

PRÆFATIO.

ronorum in singulos menses assumendorum more in Societate Jesu & Sodalitiis piis recepto. 4. Penus quotidianæ de SS. Meditationis, dum vel sententia cuique diei præscripta vel Synopsis vitæ alicujus expenditur, & ejusmodi exercitatio oratione adjuncta tanquam Colloquio terminatur.

§. 5. Atque ut Lectori pio, etiam hujus rei ratio constet, cur ex tot SS. qui indies in Martyrologiis leguntur, hi, quos libellus exhibet, soli delecti sint, nec alii: dico brevissime eos SS. præ aliis esse assumptos plerumque, quorum nomina & vitæ jam erant in Fastis Marianis, aut

†

4

Franç

PRÆFATIO.

Francisco Haræo tam Latinis quam Germanicis typis vulgatæ. Sperabat enim collector fore, ut qui horū alicujus patrocinium forte in suo sodalitiō consequeretur, is facilius vitam menstrui sui Patroni reperiret & legeret si ea nomina potissimum assumeret, quæ jam essent typis vulgata, cæteri SS. quos propter prædictorum Fastorum aut Haræi seriem, præsens libellus exhibet, ex Baronii aut Canisii aut Ferrarii Martyrologiis seu Catalogis assumpti fuerunt, icones vero & sententiæ & orationes plerumque ex *Hortulo Christianitatis* Parisiis, editis assumptæ sunt.

S. Co.

PRÆFATIO.

§. 6. Nec hoc silentio est prætereundum, quod idem Sanctus aut sancta quandoque bis aut ter in hac SS. communionē ad diversos dies memorentur id eo accidit, quod ob diversos titulos depositionis, obdormitionis, elevationis, simileſve causas ad diversa tempora olim relati ſint, vel neceſſitas aliqua ex die propria in alium eorum memoriam transferri aegerit, perſpicuè id in B. V. & S. Petri feſtis elucet, quorum in unius anni circulo diverſa eſt ſolemnitas, ut Annuntiationis, Viſitationis &c.

§. 7. Quam verò congruenter
& ſa-

PRÆFATIO.

& rationi & Fidei Christianæ, Catholici agant, dum dilectissimos Dei amicos, nimis honoratos, honorare & amare pro suo modulo fatagunt, ex eo apparet, quod cum Homines ad hoc creati sint, ut aliquando unâ cum Angelis unam Remp. seu Ecclesiam constituent, in qua *Deus erit omnia in omnibus*, dum summo omnes inter se amore, sub Christo Rege, & B. V. Regina à dextris ejus astante, gubernabuntur, eam caritatem jam tum Catholici inchoant, in quâ æternū perseneraturos se sperant. Cum igitur omnes Legum conditores in hoc unice intenderint, ut vobis
Reip.

PRÆFATIO.

Reip. membra inter se arctissima
communione, connecterent, uti
Aristoteles 9. Ethic. profiteretur, sa-
ne Christum D. N. Legis latorem
augustissimum in hac parte de'e-
cisse nullatenus suspicari debemus.
Et Aristoteles quidem pulcherrima
de amica unione hominum inter se
dedit præcepta, dicto in libro com-
prehensa: nempe, ut sibi mutua be-
nevolentia faveant bona, Cap. 5.
Deinde ut iudiciis & voluntate
congruere satagant Cap. 6. 3. ut fa-
ctis ac signis, ope & auxiliis se mu-
tuo erigant & evehant Cap. 7. 4.
ut tanquam membra sibi compa-
tiantur Cap. 8. 5. ut conversatione
& quo-

PRÆFATIO.

& quoad licet convictu, foveatur
coalita amicitia Cap. 11. At Chri-
stus Dominus longius multo in sua
Ecclesia præcipiendo est progres-
sus. Aristoteles suavit, neque enim
plus potuit, hic autem præcepit di-
vina autoritate Joan. 13.34. *Man-
datum novum de vobis ut diligatis
invicem sicut dilexi vos, ut & vos
diligatis invicem. In hoc cognoscent
omnes quia discipuli mei estis, si di-
lectionem habueritis ad invicem.*
Sed & vires præcepto adjecit, nam
ut hanc dilectionem mutuam mē-
brorum Corporis sui mystici effi-
caciùs obtineret, tam serio, quam
Joannes 15.12. & 17. Cap. depingit
patrem

PRÆFATIO.

patrem cælestem oravit, in quibus
verbis non solum Sermonem, sed
& vitam conclusit. Sunt igitur Ca-
tholici vel ex hoc signo veri disci-
puli Christi, quod caritatem ha-
bent tam ad Sanctos in cœlis reg-
nantes, quam corpore exutos, ad-
huc in tormentis sese expurgantes,
conversantur cum his salutando,
loquuntur orando, honorem im-
pendunt sumptus faciendo, & vi-
cissim à sanctis opem recipiuntur,
dolent cum probris afficiunt,
gaudent cum extolluntur &c. Quid
Acatholici? contemnunt, depri-
munt, imagines convellunt, nomi-
na abolent, honorantes blasphemant.

PRÆFATIO.

mant. Et Unde hic spiritus, non sane ex Christi disciplina aut genio, sed Lutheri, cujus spiritus odiis, maledictis, & si posset occidione æstuavit. Legantur ejus scripta, luce meridiana clarius, quod dolemus, comperietur, & ne indigna Apostatæ opera legantur, legantur ex ejus operibus extracta loca sub Titulis suis digesta per Conradum Andream, maxime pacificus Lutherus. Pergite igitur, O Catholici, Christi sectatores, in caritate ambulate cum sanctis, nomina eorum in Baptismo natis vestris imponite, in Calendariis describite, imagines eorum erigite, voce extollite, gestibus

PRÆFATIO

bus honorate, de peculio vestro aras, sacella, & templa Deo erigite, eaque SS. nominibus insignite, in angulis platearū, in transitu viarum eorum memorias sanctificate, ossa eorum custodite, auro & gemmis redimite, caritatem in Christi membra, in vestri comparem, impenditis, cum ista agitis, ille quod minimo Christi exhibetis, sibi reputat delatum, quanto magis quod maximis illis præstatis? Non terreat nos obloquentium fatuitas, nesciunt quid agant, nec quid dicant, de odiorum & schismatis Schola procedunt, à qua tamen Schola eos benignitas rei interceden-

den-

PRÆFATIO.

dentibus SS. liberare dignetur, ut
Vobiscum caritatem in sanctos te-
neant & in ea beati vivant in sæcu-
la sæculorum. Amen.

Denique cum initia in rebus hu-
manis soleant esse imperfecta, col-
lector orat ignosci tantisper
erratis; donec ea sequen-
ti typo emen-
det.

